

O Xurado Provincial de Clasificación de Montes Veciñais en Man Común de Pontevedra ditou a seguinte **RESOLUCIÓN**

ASISTENTES:

PRESIDENTE

Antonio Crespo Iglesias
(Xefe Territorial)

VOGAIS

Amalia Elsa Pazos Pintos
(Xefa do Servizo de Montes)

Xesús Santaló Ríos
(Representante do Colexio de
avogados de Pontevedra)

X. Carlos Morgade Martínez
(Representante das CMVMC de
Pontevedra)

VOGAIS REPRESENTANTES DOS VECÍÑOS DA CMVMC DE ANTAS (A LAMA)

María Louro Justo
Manuel Barreiro Lubián

SECRETARIA

Ana Belén Fernández Dopazo
(Funcionaria adscrita ao Servizo
xurídico administrativo)

Na cidade de Pontevedra, sendo as 16:30 horas do 14/06/2022 coa asistencia das persoas á marxe indicadas, reúnese, no 2º andar do edificio administrativo sito no nº 43 da Avda. María Victoria Moreno, o Xurado Provincial de Clasificación de Montes Veciñais en Man Común de Pontevedra co obxecto de decidir, entre outros asuntos, sobre a resolución do expediente de clasificación do **monte** denominado **A Pedreira**, solicitado a favor da **CMVMC de Antas**, na parroquia de Antas (A Lama)

ANTECEDENTES DE FEITO:

PRIMEIRO- Con data de entrada 11/04/2019, Sandra Crespo Muíños, como presidenta da Comunidade de Montes Veciñais en Man Común de Antas, concello da Lama, presenta solicitude de clasificación como monte veciñal en man común do monte denominado A Pedreira. Achega certificación da aprobación pola súa asemblea xeral do acordo de solicitude de clasificación e certificación catastral descriptiva e gráfica dese monte.

Con data 30/04/2019 o Servizo de Montes indica que os datos aportados pola Comunidade solicitante permiten identificar plenamente o monte, que non está clasificado e que a Comunidade figura como titular catastral. Tamén se indica que este monte encádrase dentro da Rede Natura "Serra do Cando" e na zona de policía do Río Verdugo.

SEGUNDO- O Xurado Provincial de Montes en Man Común acordou, na súa sesión de 16/10/2019, incoar o correspondente expediente de clasificación do citado monte a favor da Comunidade de Montes de Antas, concello da Lama.

Con data de entrada 05/05/2020, a Comunidade de Montes de Antas achega informe pericial con documentación histórica e información técnica sobre o monte "A Pedreira".

O 05/10/2020 recíbese do Servizo de Montes o informe preceptivo conforme o artigo 20 do Decreto 260/1992 do 4 de setembro, polo que se aproba o Regulamento para a execución da Lei 13/1989, do 10 de outubro, de Montes Veciñais en Man Común.

TERCEIRO- A Rexistradora da Propiedade de Redondela-Ponte Caldelas, en escrito de data 11/11/2020, certifica que o monte denominado A Pedreira non figura inscrito no Rexistro da Propiedade.

CUARTO- O Diario Oficial de Galicia publicou o 06/04/2021 o anuncio do Xurado Provincial de Clasificación de Montes Veciñais en Man Común de Pontevedra co acordo de iniciación deste expediente de clasificación e abrindo o período dun mes para que as persoas interesadas puideran examinar o expediente e efectuar as alegacións oportunas, de conformidade co disposto no artigo 23 do Decreto 260/1992, do 4 de setembro. O período de audiencia pechouse sen que se presentaran alegacións.

QUINTO- Á vista da documentación aportada pola comunidade solicitante e o informe do Servizo de Montes, o monte obxecto do presente expediente obedece á seguinte descrición:

CONCELLO: A LAMA.

PARROQUIA: ANTAS.

1. Nome do Monte: A Pedreira

Cabida: 111.553 m² (superficie alegada na solicitude).

Referencia catastral: 36025A020010180000GT.

Estremas:

	Polígono	Parcela	Titulares
Norte	20	9101	Augas de Galicia (río Verdugo)
	20	603	Rosa Pura Cortizo Justo
	20	9047	Concello da Lama
Sur	20	395	Manuel Ogando Rivas
	20	396	Rosa Barreiro Suárez

	Polígono	Parcela	Titulares
	20	397	Benigno Manuel Redondo Grela
	20	398	María Ángeles Fernández Pérez
	20	9039	Concello da Lama (camiño veciñal)
Leste	20	9041	Concello da Lama (camiño veciñal)
	20	9039	Concello da Lama (camiño veciñal)
Oeste	20	596	Manuel Ogando Rivas
	20	601	En investigación, segundo artigo 47 da Lei 33/2003

FUNDAMENTOS DE DEREITO

PRIMEIRO- O Xurado Provincial de Clasificación de Montes Veciñais en Man Común ten a competencia para coñecer os expedientes de clasificación dos montes que teñan tal carácter ao abeiro do establecido no artigo 9 da Lei 13/1989, do 10 de outubro, de montes veciñais en man común.

SEGUNDO- De conformidade có artigo 1 da Lei 13/1989 do 10 de outubro, de montes veciñais en man común, e no artigo 1 do Decreto 260/1992 do 4 de setembro débese entender por montes veciñais en man común *"... os terreos radicados na Comunidade Autónoma de Galicia que con independencia da súa orixe, as súas posibilidades produtivas, o seu aproveitamento actual e a súa vocación agraria pertencen a agrupacións veciñais na súa calidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cotas, os membros daquelas na súa condición de veciños"*.

Así, segundo abundosa xurisprudencia, o feito que xustifica a clasificación ou non como veciñal dun determinado monte, en vía administrativa, é a circunstancia de terse ou non demostrado o aproveitamento consuetudinario en man común, prescindindo das cuestións relativas á propiedade e demais dereitos reais.



TERCEIRO - O informe preceptivo do Servizo de Montes establece que este monte ten *"...vexetación fundamentalmente arbustiva formada por xestas e toxos, con algún eucalipto... e bosquetes de rexenerado de carballo. Obsérvanse na parte sureste restos de corta de piñeiro... Aprécianse signos de aproveitamento recente (corta duns 4-5 piñeiros)"*.

CUARTO - O monte "A Pedreira" solicitado de clasificación corresponde cunha finca catastral de titularidade da Comunidade de Montes de Antas. O Concello da Lama non presentou alegacións contrarias á clasificación, o que supón o recoñecemento implícito do carácter veciñal destas parcelas por parte do Concello.

Finalmente o feito de que durante a tramitación do expediente non consten alegacións opoñéndose á clasificación como Monte Veciñal en Man Común, de terceiros que acreditasen un uso privativo deste monte, demostra que existe un aproveitamento aberto, pacífico e continuado en común por parte dos veciños da parroquia de Antas.

En consecuencia, vistos os antecedentes mencionados, a Lei galega 13/1989, do 10 de outubro de Montes Veciñais en Man Común e o seu Regulamento, aprobado por Decreto 260/1992, do 4 de setembro, e demais preceptos legais e regulamentarios, de xenérica e específica aplicación, **O XURADO** por unanimidade **ACORDA : CLASIFICAR** como veciñal en man común o monte **"A Pedreira" a prol dos veciños da CM de Antas (A Lama)** de acordo á descrición reflectida no antecedente de feito quinto e conforme a planimetría elaborada ó efecto polo Servizo de Montes que forma parte inseparable da presente resolución

Contra a presente resolución que pon fin á vía administrativa poderase interpoñer recurso de reposición con carácter potestativo perante o Xurado provincial de clasificación de montes veciñais en man común de Pontevedra no prazo dun mes, ou ben interpoñer directamente recurso contencioso-administrativo perante o Xulgado do Contencioso-Administrativo de Pontevedra no prazo de dous meses contados dende o día seguinte ó da presente notificación, de acordo co disposto no artigo 123 e 124 Lei 39/2015, de 1 de outubro, do Procedemento administrativo común das Administracións Públicas e nos artigos 8 e 46 da Lei 29/1998, do 13 de xullo, reguladora da xurisdición contencioso-administrativa.



4696400

548200

548000

547800

547600

547400

4696200

548200

548000

547800

547600

547400

4696000

548200

548000

547800

547600

547400





XUNTA DE GALICIA
CONSELLERÍA DO MEDIO RURAL
Dep. Territorial de Pontevedra
Servizo de Montes

Clasificación do monte "da Pedreira"

CMVMC de Antas de Lameira

Pontevedra
1:2.000 en A3 (eris 85)
Xullo 2022

548000

547800

547600

547400

Handwritten signature and initials